



ILIDŽA

INFORMATIVNI BILTEN OPĆINE ILIDŽA
Ilidža • April 2014. • Broj 126



PRIZNANJA NEČELNIKU I OPĆINI ILIDŽA



Prof. dr. Senaid Memić najbolji evropski načelnik BiH za 2014.



U organizaciji Evropskog pokreta u Bosni i Hercegovini u Hotelu Hollywood na Ilidži obilježen je 9. maj, Dan Evrope. Ove godine manifestacija se održala pod motom "Vrijeme je za Evropu".

Predsjednik Evropskog pokreta u BiH Predrag Praštalo, kazao je kako je ovaj događaj "danas mala Evropa u cjelini", te se zahvalio svima koji su došli da uveličaju ovaj događaj.

Općina Ilidža dobila je priznanje evropski otvoreni grad za 2014. godinu, a načelnik Općine Ilidža prof. dr. Senaid Memić najbolji evropski načelnik. Općinsko vijeće Ilidža dobilo je zahvalnicu za podršku procesu EU integracija BiH i partnerstvo sa Evropskim pokretom u BiH. Kao domaćin, u obraćanju prisutnima na svečanosti, načelnik Memić, poželio je da svima Ilidža ostane u lijepom sjećanju.

„Mi nismo izvan Evrope, mi smo u Evropi. Himna Evrope, koju smo maloprije čuli je i bosanska himna jer mi pripadamo Evropi, ali moramo raditi na unutarnjim promjenama i birati najkvalitetnije i najbolje koji će nas uspješno prezentovati“ poručio je Memić.

Visoki predstavnik EU u BiH Valentin Inzko istakao je kako se politički pejzaž u BiH promijenio od posljednjeg obilježavanja Dana Evrope. On je dodao kako civilno društvo podiže svoj glas koji će se zasigurno čuti zajedno sa Evropskim pokretom u BiH.

“Proces evropskih integracija BiH je u posljednjih 12 mjeseci naišao na političke prepreke. Međunarodni lideri su sa političkim liderima u BiH nastojali ukloniti te prepreke, ali do dogovora nije došlo. Ali, uvjeren sam da smo, dugoročno gledano, na pragu promjene koja može gurnuti u stranu prepreke koje onemogućavaju napredak. BiH treba evropeizirati, ali budući da BiH ima puno lijepih tradicija i divnih običaja, mislim da i Evropsku uniju treba malo pobosanciti”, rekao je Inzko.

Povodom obilježavanja Dana Evrope, Evropski pokret u BiH uručio je priznanja Evropskog pokreta u BiH za Bosnu i Hercegovinu te za region. Predsjednici Republike Slovenije Borut Pahor i Republike Turske Abdullah Gul dobitnici su Ordena Evropskog pokreta u BiH. Premijer Srbije Aleksandar Vučić i prvi potpredsjednik

Vlade Srbije i ministar vanjskih poslova Iвица Dačić dobitnici su priznanja Ključ mira i stabilnosti regiona. Priznanje Ključ srca građana BiH dobila je evropska parlamentarka Tanja Fajon, dok su Diplomatsku medalju Evropskog pokreta u BiH ponijeli ambasadori Republike Turske u BiH Ahmet Yildiz, Češke Republike Tomas Szunyog i Francuske Roland Gilles.

Priznanje Najbolji medijski regionalni servis 2014. dodijeljeno je novinaskoj agenciji Anadolu Agency, a nagradu je primio direktor Regionalnog ureda Anadolu Agency za Balkan Omer Cetres. Internacionalni Univerzitet Sarajevo proglašen je Evropskim univerzitetom 2014. godine.

Brojni predstavnici političkog života u BiH, poput načelnice Opštine Visoko Amre Babić, predsjednika HDZ 1990 Martina Raguža, načelnika Opštine Ugljevik Vasilija Perića, načelnika Opštine Stari Grad Ibrahima Hadžibajrića te predstavnici medija FACE TV, Novinska agencija SRNA, Ness Radio, kao i predstavnici javnog i kulturnog života u BiH ponijeli su priznanja za Bosnu i Hercegovinu.

Obilježavanju Dana Evrope u organizaciji Evropskog pokreta u BiH, održanom na Ilidži, prisustvovali su brojni predstavnici izvršne vlasti u BiH, javnog i kulturnog života u BiH te predstavnici diplomatskog kora.



Načelnik Memić dobio prestižnu nagradu “Gazelu”



U sklopu 17. Međunarodnog sajma gospodarstva Mostar 2014.” 10. aprila upriličena je dodjela BH biznis nagrada “Gazela 2013” najuspješnijim malim i srednjim brzorastućim kompanijama u Federaciji BiH i Republici Srpskoj. Načelnik Općine Ilidža prof. dr. Senaid Memić dobio je specijalnu nagradu “Gazelu” i to kao gradonačelnika/načelnik koji podržava razvoj privrede.

Gazela biznis nagradu provode mediji u regiji i Evropi i dodjeljuje se u 14 država, a u BiH dodjelu nagrada, treći put, organizirala je Kameleon M&M Group uz pomoć partnera Vanjskotrgovinske komore BiH, Privredne

komore FBiH, Ministarstva razvoja, poduzetništva i obrta Federacije BiH, Mostarskog sajma gospodarstva i Republičke agencije za razvoj malih i srednjih poduzeća. Dodijeljeno je ukupno 20 nagrada za područje FBiH i deset za RS, a proglašeni su i po jedan najbolji mali i srednji poduzetnik na entitetskim nivoima.

Agencija „Media Viva“ postavila je reklamni pano kako bi informisali građane ne samo Ilidže već i Federacije, da je načelnik Općine Ilidža dobio nagradu, a isto tako je učinjeno i u Banjoj Luci za gradonačelnika koji je dobio nagradu.

Poboljšanje pristupa malih i srednjih preduzeća finansijskim sredstvima“

U Općini Ilidža 16. aprila održana je prezentacija projekta EAF SME “Poboljšanje pristupa malih i srednjih preduzeća finansijskim sredstvima”.

Projekat EAF SME je kreiran u saradnji sa Vijećem ministara, entitetskim vladama i Svjetskom bankom zbog poboljšanja pristupa malih i srednjih preduzeća finansijskim sredstvima. Razvojni cilj je da se poboljša dostupnost finansijskim sredstvima poduzetnici malih i srednjih preduzeća, kao i da pomogne bankarskom sektoru da izdrži globalni ekonomski pad, čime se postiže veoma važna uloga održavanja stabilnosti i povoljne poslovne klime u BiH. Kreditna sredstva nisu namjenjena za trgovinu, kupovinu nekretnina, stambenu izgradnju, veleprodaju. Sredstva su namjenjena u prvom redu privrednim subjektima za očuvanje i jačanje tržišne pozicije u uvjetima krize. Općina Ilidža, Forum privrednika Općine Ilidža i Fondacija za održivi razvoj-odRaz su

organizovali prezentaciju o ovoj temi u cilju što bolje edukacije privrednika na teritoriji općine, zbog lakšeg pristupa navedenim sredstvima, što bi krajnji rezultat bio povećanje broja zaposlenih.





Nastavak izgradnje saobraćajnice Ilidža-Hrasnica

U protekloj godini je Općina Ilidža sa firmom Bosman d.o.o sklopila ugovor za izvođenje radova na nastavku izgradnje saobraćajnice Ilidža - Hrasnica, potez u dužini od 560 metara od prve raskrsnice u Sokolović Koloniji u pravcu Hrasnice.

Vrijednost ugovorenih radova je 1.221.555,17KM.

Trajanje ugovora je dvije godine iz razloga otežanog rješavanja imovinsko pravnih poslova. Takođe je i sa firmom Testingelektro d.o.o sklopljen ugovor vrijednosti 89.358,75 KM za izgradnju javne rasvjete na ovoj trasi. U proteklom periodu je asfaltirana pješačka staza, asfaltiran je kolovoz u dva sloja (bitonosivi i habajući sloj) kao i urađena i montirana javna rasvjeta u dužini 430 metara.

Ukupna dužina planirane i projektovane saobraćajnice Ilidža-Hrasnica iznosi 6.189,00 metara. Projektno tehnička dokumentacija je urađena od strane Instituta za arhitekturu i urbanizam Sarajevo za dio do rondoa u Sokolović- Koloniji, a za preostali dio do Famosa projektant je TZI Inženjering d.o.o.

Općina Ilidža je u dosadašnjem periodu izvršila radove na izgradnji dva kružna toka (Ilidža centar i Sokolović -Kolonija), dva mosta (na Tilavi i Željeznici) te projekat asfaltiranja kolovoza na potezu od centra Ilidže do prvog semafora u Sokolovićima.



Saobraćajnica uz rijeku Željeznicu u Sokolović- Koloniji

Treća faza saobraćajnice uz Željeznicu je dužine 220 metara. Izvođač radova je firma TB Inženjering doo. Prema sklopljenom ugovoru preostalo je da se uradi asfaltiranje kolovoza i pješačkih staza.

Polaganje asfalta na trećoj fazi saobraćajnice će biti izvedeni kada vremenski uslovi to dozvole, a najkasnije do sredine juna.

Za nastavak ove saobraćajnice u dužini 240 metara je raspisana javna nabavka i sa ovim radovima će se započeti nakon odabira izvođača i sklapanja ugovora.



Nastavlja se izgradnja vodovoda u Rakovici

Završetak radova na izgradnji prve faze vodovodnog sistema za naselje Rakovica planiran je do kraja ove godine. Do sada je položeno preko 50 kilometara primarne i razvodne vodovodne mreže.

Izgrađeno je pet rezervoara ukupnog kapaciteta 5,5 miliona litara vode, zatim četiri pumpne stanice i jedno hidrofleks postrojenje kojim se zona vodosnabdijevanja diže do 680 m nadmorske visine.

Do sada je u izgradnju uloženo ukupno 15 miliona KM. Od planiranih 1800 kućnih priključaka do sada je 900 objekata prikopčano na novu vodovodnu mrežu.

Početak izgradnje druge faze vodovodnog sistema Rakovica kojim će biti obuhvaćena naselja Kakrinje gornje, Zenik, dio Kobiljače, Buhotina, Zelena meraja i Rudnik, planiran je nakon završetka izgradnje prve faze projekta vodosnabdijevanja naselja Rakovica.

Procijenjena vrijednost ovih radova bi trebala iznositi 3.000.000 KM.





Izgradnja Stupske petlje u Sarajevu u punom jeku radova

Građevinski projekat Stupska petlja je jedan od složenijih u Bosni i Hercegovini jer se nalazi na glavnom saobraćajnom, telekomunikacijskom i komunalnom čvorištu grada Sarajeva. Sastoji od više građevinskih objekata u izgradnji kao što su nadvožnjak iznad gradske Longitudinale ukupne dužina oko 200 metara, četiri rampe, (A, B, C, D), a svaka rampa je dužine oko 200 metara. Gradi se i pješački pothodnik s pokretnim trakama do tramvajskih stajališta, više podvožnjaka, zatim XII transverzale u dužini oko 800 metara, te Gradska longitudinala u dužini od 600 metara.

Govoreći procentualno u firmi Euroasfalt kažu, kako je već glavni natputnjak završen 50 posto, rampa "C" 90 posto, rampa "B" 50 posto, dok za rampu "A" nisu riješeni imovinsko-pravni odnosi.

"Pothodnik sa pokretnim trakama završen je oko 20 posto, a pokretne trake su u fazi tvorničke proizvodnje, Isporuku pokretnih traka iz tvornice očekujemo krajem juna ove godine", naglašavaju iz Euroasfalta, pojašnjavajući kako su u toku radovi na objektima gdje nema imovinsko-pravnih smetnji, te je ukupno do sada izvedeno oko jedne trećine svih radova.

Sajam meda, pčelinjih proizvoda i ljekobilja

Uorganizaciji Udruženja pčelara „Behar“ Ilidža, od 7. do 11. aprila 2014. godine u ulici Rustempašina na Ilidži održan je sajam meda, pčelinjih proizvoda i ljekobilja. Na sajmu je izlagalo 20 pčelara iz cijele Bosne i Hercegovine koji su izložili pčelinje proizvode i ljekovito bilje.

„Ovo nam je drugi sajam koji organizujemo samostalno. Sajam je izložbeno-prodajnog karaktera i namjera nam je da se i ubuduće održava i da postane tradicionalan. Ovom prilikom želim da se zahvalim načelniku općine Ilidža prof. dr. Senaidu Memiću uz čiju pomoć smo napravili 25 štandova za izlaganje“, kazao je Hajrudin Džebo predsjednik Udruženja „Behar“. Ovo udruženje postoji od 2007. godine i do sad su organizovali četiri škole pčelarstva za pčelare početnike koje je pohađalo 130 polaznika.



Na projektu "Stupska petlja" u ovom trenutku je angažirano oko 120 radnika različitih profila, od tesara, armirača, betoniraca pa do električara, izolatera, mašinaca itd.

Za izradu nasipa koristi se kameni materijala dobiven u obližnjem kamenolomu koji je predhodno zadovoljio sva potrebna testiranja.

Od mašina, vozila i opreme koriste se bageri, kamioni, grejderi, finišeri, valjci, toranjska dizalica, jednostrana i dvostrana oplata, skele, užad za prednapinjanje (natputnjak) rešetkasti čelični nosači za svladavanje raspona konstrukcija, itd.

U Euroasfaltu kažu kako je Stupska petlja veoma zahtjevan projekat, u prvo redu zbog činjenice da se svi radovi izvode pod permanentnim i vrlo intezivnim tramvajskim, pješačkim i autobusnim prometom, a tu su locirani i saobraćajni terminal i zelena pijaca.

Osim Euroasfalta na izgradnji Stupske petlje učestvuje i kompanija ŽGP koja je dio konzorcija te se sve radi u organizaciji i kordinaciji, a dinamika radova se koordinira putem dnevnih, sedmičnih i mjesečnih sastanaka, svakodnevnih analiza i procjena mogućih rizika.



Uređenje korita Zujevine na Ilidži

Ovogodišnjim budžetom Općine Ilidža ponovo su planirana sredstva za regulaciju korita rijeka na ovom području, kako bi se konačno riješio problem poplava. Prošle jeseni i zime završen je dio regulacije korita Zujevine u dužini od 150 metara u Blažuju u blizini lokaliteta Bosanke.

Zajednički su projekat finansirali Općina Ilidža i Ministarstvo privrede KS.

U toku je tender za izbor izvođača radova naredne faze kojom će se nastaviti regulacija novih 150 metara korita na ovom potezu. Već su obezbijedena sredstva za ovu namjenu u iznosu od 400.000KM. Regulacija će se nastaviti u postojećem profilu i bit će predhodnica izrade servisne saobraćajnice koja će prolaziti kroz firmu Bosanka za Vlakovo, Nadosjek i druga naselja.

„Uradit će se temeljna betonske trake cijelom dužinom sa obje strane čiji će raspon iznositi 12 metara kao i betonski zidovi debljine pola metra i visine više od 3,5 metara. Desni obalni zid uz zapadni prilaz omogućit će izradu servisne saobraćajnice koja će voditi kroz krug Bosanke prema naselju Vlakovo "pojasnio je Mensur Rončić, kordinator projekta.



Potpisan Sporazum o primopredaji izvedenih radova na stadionu FK Igman

Načelnik Općine Ilidža prof. dr. Senaid Memić i predsjednik Upravog odbora Fondacije za razvoj obrazovanja Internacionalnog univerziteta Sarajevo Hasan Topaloglu potpisali su 11. aprila u Općini Ilidža Sporazum o primopredaji izvedenih radova prve faze na stadionu FK Igman Ilidža.

Obzirom da je na zemljištu Internacionalnog univerziteta smješten fudbalski teren s jednim pratećim objektom, Općina Ilidža je putem protokola definisala obavezu investitoru izgradnje Univerzitetu da na novoj lokaciji koji je vlasništvo općine izvede radove, odnosno izgradi novo igralište i dio tribina, a po procjeni koju je utvrdio sudski vještak, angažovan od strane Općine Ilidža.

Investitor je izveo radove u vrijednosti 715.000 KM i iste predao vlasniku, Općini Ilidža. Izvođač radova je VD Bosna. Uskoro će se nastaviti radovi na izgradnji atletske staze sa osam traka, kao i niz drugih pratećih sadržaja.



Obilježen Svjetski dan zdravlja „Zajedno ka zdravlju - prevencija vektorskih bolesti“

Zavod za javno zdravstvo Kantona Sarajevo pod pokroviteljstvom Općine Ilidža, a povodom 7. aprila, Svjetskog dana zdravlja proveo je akciju „Zajedno ka zdravlju“. Organizovano je takmičenje učenika osnovnih škola sa područja općine Ilidža na temu prevencija vektorskih bolesti (prenose ih komarci i krpelji). Komisija koju su činili predstavnici Zavoda za javno zdravstvo Kantona Sarajevo i Općine Ilidža izabrala je najbolje radove u sljedećim kategorijama: likovni radovi (učenici od III-V razreda) i i literarni radovi/pismo načelniku (učenici VIII i IX razreda).



Dodijeljene su i tri specijalne nagrade za najkreativniji rad, najaktivniji razred i najveći uloženi trud. Općina Ilidža je obezbijedila novčane nagrade u ukupnom iznosu 510,00 KM.

Najbolji literarni rad - pismo načelniku (učenici VIII i IX razreda) napisale su: Amra Musić iz Devete osnovne škole, koja je dobila nagradu u iznosu od 80 KM. Drugo je Kenan Bašić iz Prve osnovne škole i nagrada u iznosu 60 KM, a treće Ajša Jašarević i Medina Šapčanin iz Devete osnovne škole, koje su dobile 40 KM. Najbolji likovni rad, učenici od trećeg do petog razreda uradili su: Dalila Pločo iz Sedme osnovne škole koja je dobila nagradu u iznosu 80 KM, Nihad Komar iz Desete osnovne škole, koji je dobio 60 KM, a treća Mejrem Kadrić iz Desete osnovne škole. Najkreativniji rad proglašen je rad Adeline Kalkan iz Druge osnovne škole, koja je nagrađena sa 50 KM. Za najveći uroženi trud nagrada ide Rijadu Alekiću iz Devete osnovne škole (50 KM), a najaktivniji razred III 1 razred Druge osnovne škole dobio je nagradu u iznosu od 50 KM.

Načelnik darovao krv

Projekt formiranja Banke koštane srži u Bosni i Hercegovini pokrenula je NVO MALA. Vađenje krvi za tipizaciju što predstavlja prvi korak ka formiranju bosansko-hercegovačkog Registra banke koštane srži održano je 2. aprila u Grand Centru na Ilidži. Prvi tipizirani bio je načelnik Općine Ilidža prof. dr. Senaid Memić. Uzimanje uzoraka krvi se vrši prema svim medicinskim propisima. Uzorke je uzimao medicinski tim, a svi podaci će biti šifrirani i kodirani. Akcija je trajala od 15 do 19 sati.



Druga tradicionalna ulična trka „Amer Čenanović“

Prvog aprila 2014. godine navršile su se tri godine od pre-rane smrti načelnika Općine Ilidža Amera Čenanovića. Tim povodom u znak sjećanja na ovog velikog i plemenitog čovjeka drugu godinu zaredom održana je ulična trka „Amer Čenanović“.

U trci dužine oko tri kilometra, koju je organizovala Općina Ilidža, učestvovalo je 400 učenika osnovnih i srednjih škola sa područja Ilidže, Novog Grada i Hadžića.

Prvo mjesto među djevojčicama osnovnih škola osvojila je Ilma Rahmanović iz Desete osnovne škole, drugo Aida Karović i treće Berina Hadžić obje iz Devete osnovne škole. U kategoriji dječaka prvi kroz cilj prošao je Belmin Muslić, drugi Arnes Junuzović i treći Fatih Sadiković svi iz Osme osnovne škole „Amer Čenanović“. Od srednjoškolski prva je bila Ema Hasibović-Galijašević

iz Srednje škole grafičkih tehnologija, dizajna i multimedija, druga Dženita Hodžić iz Četvrtе gimnazije i treća Amila Delić iz Srednje škole grafičkih tehnologija, dizajna i multimedija.

Prvo mjesto u kategoriji učenika srednjih škola osvojio je Alija Imamović iz Srednjoškolskog centra iz Hadžića, koji kad je stigao na cilj poljubio grb BiH, drugo Adel Ajkunić i treće Anel Hiseni oba iz Pete gimnazije Dobrinja. Pobjednicima su uručene diplome i medalje, a svim školama zahvalnice za učešće.

Nagrade i zahvalnice su uručili načelnik Općine Ilidža prof. dr. Senaid Memić, dopredsjedavajući OV Muhamed Omerović, predsjedavajuća Smiljana Viteškić, general Fikret Prevljak i član Organizacionog odbora Hazim Krupalija.

„Ovo je jedan od najboljih načina da se okupimo i da se prisjetimo i pamtimo ovog velikog čovjeka i da zajedno radimo na budućnosti kakvu je i on želio“, poručio je učesnicima načelnik Memić.


Najbolji matematičari Osme osnovne škole „Amer Čenanović“

Devetnaesto općinsko takmičenje učenika osnovnih škola Ilidža iz matematike, održano je 12. aprila 2014. godine u Međunarodnoj osnovnoj školi Sarajevo na Ilidži. Takmičili su se učenici sedmih, osmih i devetih razreda iz jedanaest osnovnih škola. Svaku školu predstavljalo je po devet učenika.

U pojedinačnoj konkurenciji u kategoriji sedmih razreda prvo mjesto osvojila je Emina Zolota iz Osme osnovne škole „Amer Čenanović“, drugo Kemal Hadžiabdić iz Druge i treće Omer Faruk Bukurević iz osnovne škole „El-Manar“. Kod osmih razreda prvo mjesto osvojila je Lejla Skelić iz Četvrtе osnovne škole, drugo Amina Šitkovic iz Osme osnovne škole „Amer Čenanović“ i treće Elma Leka iz Druge osnovne škole. Pobjednik devetih razreda je Salih Ibrahimović iz Prve osnovne škole, drugi je Emir Sejdić iz Osme osnovne škole „Amer Čenanović“, a treći Haris Godinjak iz Prve osnovne škole. U ekipnom plasmanu najbolja je Osma osnovna škola „Amer Čenanović“, drugo mjesto zauzela je Druga, a treće Peta osnovna škola. Svim učesnicima dodijeljene su diplome, a pobjednicima novčane nagrade. Prigodan program izveli su učenici domaćina takmičenja, Međunarodne osnovne škole Sarajevo.

Obilježena godišnjica smrti Amera Čenanovića

Prve tri godine, prvog aprila 2011. godine prestalo je da kuca srce velikog čovjeka, našeg komšije, prijatelja, našeg načelnika Općine Ilidža Amera Čenanovića. Tim povodom učenici i nastavnici Osme osnovne škole „Amer Čenanović“ i članovi Gorske službe spašavanja i Streljačkog kluba „Ilidža“ učenjem Fatihe i polaganjem cvijeća obilježili su godišnjicu od Amerove prerane smrti i još jednom se potsjedili na njegov plemeniti, ljudski lik i njegov nemjerljiv doprinos u razvoju općine Ilidža, tužni što ga više nema, a ponosni i zahvalni što smo ga poznavali i imali.





Ekipe Četvrte gimnazije i Devete osnovne škole kantonalni prvaci

Devetnaesto Kantonalno takmičenje iz pružanja prve pomoći, koje je održano 26. aprila 2014. godine, na kojem su učestvovali i ekipe Crvenog križa općine Ilidža, i to u kategoriji omladine, ekipa Četvrte gimnazije, a u kategoriji podmlatka, ekipa Devete osnovne škole, opet su briljirale. Ekipe sa Ilidže su zauzele prva mjesta u obje kategorije, što je već peti put zaredom da ekipe sa Ilidže postanu kantonalni prvaci u pružanju prve pomoći. Takmičenje se održalo u bivšoj kasarni Ušivak u Hadžićima, a učesće je uzelo ukupno četrnaest ekipa, šest ekipa omladine i osam podmlatka. Ekipe nastavljaju sa intenzivnim treninzima i priprema za predstojeće Federalno takmičenje iz pružanja prve pomoći koje će se održati 31. maja 2014. godine.



Uređenje stepeništa na mezarju Kovači Hrasnica

Aktivisti Ekološkog udruženja "Aleja" 13. aprila 2014. godine realizovali su još jednu u nizu akcija u ovoj godini.

U ovoj akciji uređeno je stepenište na mezarju Kovači Hrasnica, dužine od 70 metara. Uklonjeno je busenje koje je izraslo po stepeništu, trnje, zemlja obrušena sa mezarja i drugo prirodno rastinje, kako bi građani mogli lakše i bezbjednije koristiti stepenište.

Ekološko udruženje Aleja, nastavit će sa aktivnostima predviđenim planom i programom za 2014. godinu, kako bi poboljšali ambijentalno uređenje, te podigli svijest građana na jedan zavidan nivo.



Parcele socijalno ugroženim borcima

I ove, kao i predhodnih godina, Udruženje demobilisanih branilaca 92-95 i Udruženje boraca, organizatora i pokretača otpora općine Ilidža, 7. aprila 2014. godine u Hrasničkom polju, organizovali su podjelu zemljišnih parcela za proljetnu sjetvu za 40 socijalno ugroženih svojih članova. Sve parcele su uzorane i isfrezane, a svi su dobili po 300 kvadratnih metara zemlje. Ovo je još jedna od akcija pomoći demobilisanim borcima koji su u stanju socijalne potrebe.



Eko akcija mještana Sokolović-Kolonije

U organizaciji Savjeta MZ Sokolović-Kolonija 20. aprila realizovana je akcija čišćenja ovog naselja. Akcija je organizovana povodom Dana planete zemlje, a u njoj su učestvovali mještani i učenici Pete osnovne škole i Tursko-bosanskog koledža. Očišćena je cijela teritorija MZ Sokolović-Kolonija, a poseban je akcenat stavljen na uklanjanje smeća oko Željeznice, te školskih objekata.





Memorijalno -historijskim susretom obilježen Dan odbrane Ilidže

U organizaciji Patriotske lige Općine Ilidža, Udruženja 4.Viteška motorizovana brigada i Općine Ilidža, 22. aprila 2014. godine održan je tradicionalni memorijalno-historijski susret "Dani odbrane Ilidže" koji je upriličen ispred Pete osnovne škole u Sokolović-Koloniji. Ovaj dan se proslavlja i kao Dan MZ Sokolović-Kolonija i formiranja Ratne bolnice "Čamil Marić."

U prisustvu velikog broj građana, delegacije Općine Ilidža, udruženja boraca i političkih stranaka položile su cvijeće na spomen-obilježje i proučili Fatihu.

Predstavnik Patriotske lige Čazim Mučić je naglasio da ovo nije samo Dan Sokolović-Kolonije već cijele BiH.

"U ovom danu, prije 22 godine, sve jedinice ovog područja zajednički su se hrabro suprotstavile tadašnjoj četvrtoj sili u Evropi. Iako goloruki, pokazali smo hrabrošću da znamo i umijemo da se odbranimo i spriječimo veliko krvoproliće koje je bilo planirano", kazao je Mučić.

Načelnik Općine Ilidža prof. dr. Senaid Memić poručio je da živi imaju dug prema poginulim i da njihova krv nije uzalud prolivena.



"Ovoj djeci koja su naša budućnost kažem, budite bolji od nas, gradite našu BiH i ne zaboravite nikad šta je bilo na ovim teritorijama, a budite uvijek složni jer tu je naš opstanak", poručio je Memić.

Učesnicima malonogometnog turnira, turnira u odbojki za djevojčice, te turnira u streljaštvu podijeljene su nagrade. U sklopu obilježavanja godišnjice formiranja Ratne bolnice "Čamil Marić" održano je i takmičenje u prvoj pomoći. Učenici Pete osnovne škole održali su prigodan program.

Delegacije su također položile cvijeće na centralno spomen obilježje ispred zgrade Općine Ilidža.

Vandalizam na Mostu spasa

Ružne i tužne slike na Mostu spasa. Mostu koju je bio u proteklom ratu simbol otpora i života naselja Sokolović-Kolonije, Butmira i cijelog Sarajeva. Nepoznata osoba ili više njih 4. maja 2014. godine razbijali su i divljali na spomenik Četvrte viteške brigade, pa čak i zapalili zastavu BiH, Armije BiH i Četvrte viteške brigade.

„Nakon poziva nekolicine građana u ranim jutranjim satima jednostavno nismo vjerovali da se ovdje nešto takvo moglo dogoditi, i da su paljene čak i zastave BiH, međutim izlaskom na mjesto događaja ostali smo poprilično zatečeni onim što smo vidjeli“ kazao nam je Salem Bilalović, predsjednik Udruženja Gorske službe spašavanja i Streljačkog kluba „Ilidža“.

Načelnik Općine Ilidža prof. dr. Senaid Memić najoštrije osuđuje ovaj vandalski čin i izražava nadu da će počinioci ovog gnusnog djela biti privedeni licu pravde.

Policija je obavila uviđaj, a mi se iskreno nadamo da će počinioci biti otkriveni i kažnjeni.



Obilježeno prvo postrojavanje jedinica na Stupskom brdu

Učenjem Fatihe, minutom šutnje i polaganjem cvijeća na spomen obilježje šehidima i poginulim borcima, 4. aprila 2014. godine obilježen je Dan Mjesne zajednice Stupsko brdo i prvo postrojavanje Prve samostalne brigade Stup. Cvijeće su položile delegacije Općine Ilidža, Udruženja Prva samostalna brigada i Mjesne zajednice Stupsko brdo. U okviru obilježavanja ovog značajnog datuma održana je svečana sjednica Savjeta mjesne zajednice Stupsko brdo, turnir u malom nogometu i stonom tenisu, te proučena hatma dova šehidima. Organizator ove manifestacije je Udruženje Prva samostalna brigada i Općina Ilidža.





Obilježena godišnjica pogibije Hajrudina Klepe

U organizaciji Udruženja organizatora otpora veterana rata, dobrovoljaca, prvoboraca i branioca „Zelene beretke“ i Općine Ilidža 4. aprila 2014. obilježena je 21 godina od pogibije Hajrudina Klepe.

Ovaj datum se obilježava ujedno kao i početak prvog organiziranog pružanja oružanog otpora agresiji na BiH.

Porodica Hajrudina Klepe, delegacije Općine i Zelenih beretki položili su cvijeće na mjestu pogibije Hajrudina Klepe, proučili Fatihu i odali počast ovom šehidu.

„Kao i svi mladi ljudi imao je svoje snove i planove za budućnost. Među prvima se priključio organizaciji Zelenih beretki koje je na ovom prostoru organizovao Husein Hasibović. Aktivno se uključio u akciju izuzimanja oružja MTS-a iz baze, koju su na poziv SDS-a napustili pripadnici koji nisu osjećali BiH kao svoju domovinu. U naselju su napravljeni punkтови i prihvatna mjesta za prikupljanje izuzetnog oružja i MTS-a. Rahmetli Hajrudin se vraćao više puta želeći dati što veći doprinos. Prilikom jednog od povratka nastojeći osposobiti transporter hrabro je poginuo od snajperskog hica. Ostavio nam je amanet da nikad ne zaboravimo ovaj dan i početak agresije na našu domovinu. Hajrudinovoј porodici, ocu, majci i sestri želimo sabur i dajemo obećanje da on nikad neće biti zaboravljen“, rekao nam je predsjednik Udruženja „Zelene beretke“ Općine Ilidža Nusret Rovčanin.

Muzički ansambl „Himna“ izveo je prigodan program.



Obilježen Dan oslobođenja Sarajeva

Šesti april Dan oslobođenja Sarajeva, svečeno je obilježilo UABNOR-a Ilidža polaganjem cvijeća na Spomen kosturnicu u Velikom parku na Ilidži. Uz prisustvo predstavnika zakonodavne i izvršne vlasti, UABNOR-a Hadžića, boračkih udruženja 92-95, Pete i Treće osnovne škole, izviđača i mnogobrojnih antifašista cvijeće su položile delegacije. O značaju borbe za oslobađanje grada Sarajeva i borbe protiv fašizma govorio je prisutnim Stevo Kuljanin, predsjednik Skupštine Udruženja i učesnik NOR-a.

„Trajna je obaveza svih generacija, da čuvaju spomen na taj 6. april i na 11.000 nasilno oduzetih života, građana Sarajeva, kao i na sve poginule, pripadnike jedinica koje su oslobodile grad Sarajevo“ kazao je predsjednik Upravnog odbora Nikola Babić.



Koordinacija boračkih udruženja uručila zahvalnicu „HOŠE KOMERC“ d.o.o

Delegacija Koordinacije boračkih udruženja Općine Ilidža je 23. aprila 2014. godine uručila zahvalnicu kompaniji „HOŠE KOMERC“ d.o.o koja godinama uvažava status boračke populacije, te time pokazuje svoju profesionalnost na najvećem nivou.

Ovu dodjelu zahvalnice, Koordinacija boračkih udruženja Općine Ilidža realizovala je u znak zahvalnosti za donaciju prehrambenih paketa u vrijednosti od 10.000,00 KM koji su podijeljeni socijalno najugroženijim članovima boračkih udruženja.

Kompanija „HOŠE KOMERC“ d.o.o će kao i do sada realizovati niz ovakvih projekata, a sve u cilju pomoći boračkim udruženjima i njihovom članstvu, a ovaj čin može poslužiti i drugim bh. firmama i kompanijama kao primjer koji bi trebali slijediti. Delagacija Koordinacije boračkih udruženja je u svoje ime i ime svih članova koji su dobili pakete zahvalna kompaniji i njenim predstavnicima.

Paketi za pripadnike boračkih organizacija

Koordinacija boračkih udruženja općine Ilidža, 8. aprila 2014. godine u prostorijama restorana Bazen realizovala je akcija pomoći svojim članovima. Ovom prilikom podijeljeni su paketi sa prehrambenim artiklima. Podijelom je obuhvaćeno 14 boračkih udruženja sa područja općine Ilidža. Pakete je dobilo 184 socijalno ugrožena pripadnika boračkih organizacija. Vrijednost paketa sa osnovnim prehrambenim proizvodima je 50 KM, a donirala ih je firma „Hoše komerc“ povodom Dana općine Ilidža.





Takmičari Kick-boxing akademije donijeli dva zlata

Na prvenstvu BiH u kick-boksu u Gacku 26.april 2014. takmičari Kick-boxing akademije Ilidža osvojili su dvije zlatne, jednu srebrnu i jednu bronzanu medalju.

Zlatne medalje osvojili su Asmir Tahirović (kategorije 63,5 kg) i Ibrahim Odošahić (+91 kg). Srebrnu medalju osvojio je Admir Gadžo i bronzanu Kenan Jahić.

Takmičenje je bilo izbornog karaktera za juniorsku reprezentaciju BiH, planiranu za svjetsko prvenstvo u septembru u Italiji.



Meris Muhović član „Champion“ osvojio bronzu na Evropskom prvenstvu

Reprezentativac Bosne i Hercegovine u karateu, član KK „Champion“ Ilidža Meris Muhović osvojio je bronzanu medalju u kategoriji do 84 kg na 49. evropskom seniorskom prvenstvu u finskom Tampereu.

U prvom krugu, Muhović je radio sa reprezentativcem Ukrajine (Nikulin Illya) kojeg je pobijedio rezultatom 1:0, te tako osigurao meč protiv reprezentativca Gruzije (Arkania Gogita). Inače, Ukrajinac je osvajač prvog mjesta na Svjetskom kupu održanom u Laškom prije dva mjeseca. U drugom meču, Muhović je pobijedio Gruzijca sa 3:1 i plasirao se u četvrtinu finala. U tom krugu čekao ga je Portugalac (Hernandez Helio), a Muhović je i u tom meču odnio pobjedu od 1:0, te se plasirao u polufinale protiv reprezentativca Grčke, Tzanos Georgios.

U meču za finale, nažalost Muhović je izgubio rezultatom 9:4, i time osigurao borbu za treće mjesto.

U konkurenciji najboljih evropskih karatista Muhović je jedini od ukupno 19 bh. predstavnika uspio doći do odličja.

“Prezadovoljan sam ostvarenim rezultatom jer je konkurencija na prvenstvu bila izuzetno jaka. Nadam se da ću na narednim takmičenjima imati više sportske sreće i osvojiti nova odličja za BiH“ rekao je Muhović.

Premantura BIKE FEST

Petočlana ekipa biciklista 3.aprila 2014. u 23 sata krenula je na Međunarodno XCO takmičenje biciklizma u Premanturi kod Pule. Ekipu su sačinjavali trojica takmičara Benjamin Mahić, Avdo Šerak, Kenan Bajrić te predstavnici kluba Samir Mahić i Samir Habota.

Na put dug 630 km odlučili su ići preko Jajca, Bihaća, Senja Rijeke do Premanture. Na određite su stigli u 10 sati.

Obzirom da je XCO takmičenje u Premanturi jedno od značajnih u Evropi, mnogi evropski timovi kao i mnoga velika imena brdskog biciklizma su bila tu. Kenan Bajrić je u svojoj kategoriji bio prvi do pred sami kraj prvog kruga kada na jednom od tih kamenjara probija gumu i odustaje. Drugi takmičar Avdo Šerak je takođe imao nekoliko problema tehničke prirode i dva pada ali ipak na kraju od 53 takmičara završava na solidnom 26 mjestu. I ono na kraju za njih najvažnije bio je nastup njihove najveće nade juniora Benjamina Mahića. Više od 30 takmičara iz više od 15 zemalja uzelo je učešće. Benjamin Mahić osvojio je 14 mjesto.



Dani otvorenih vrata u osnovnoj školi „El-Manar“

Osnovna škola „El-Manar“, 3. aprila 2014. godine, organizovala je Dan otvorenih vrata za roditelje koji žele upisati djecu u prvi razred i roditelje čija djeca već pohađaju ovu školu i sve one koji se žele upoznati sa radom ove obrazovne ustanove. Prisutni roditelji i brojni gosti prisustvovali su prezentaciji rada škole, obišli školske prostorije i pogledali priredbu koju su priredili učenici od prvog do petog razreda ove škole. Dan otvorenih vrata ima za cilj predstavljanje rada škole sa njenim specifičnostima i konceptom nastavnog procesa svim zainteresovanim. Manifestacija je završena predavanjem o skoliozi kod djece koje je održala mr. Amra Mačak Hadžiomerović sa Fakulteta zdravstvenih studija.

FK "Igman" osvojio dva pehara u Dubrovniku

Dječaci FK „Igman“ na Međunarodnom turniru u Dubrovniku pod nazivom "Talent Cup Dubrovnik 2014" napravili su odličan rezultat i što je rijetkost na turnirima sa jednom generacijom 2003. godišta. Osvojili su dva pehara za prvo mjesto na istom turniru u svojoj kategoriji U11 i u starijoj kategoriji U12. Ovaj veliki uspjeh su napravili sa trenerom Emilom Šabanovićem i Vedinom Musićem. Ova generacija dječaka je svojim rezultatima dobila i pozivnicu za ALPAS KUP 2014 gdje ekipe mogu učestvovati samo sa pozivnicom, a iz BiH učestvuju FK "Željezničar" i FK „Igman“. Dječaci će se boriti za naslov sa ekipama kao : Juventus, Slavija Prag, Šturm, Dinamo, Hajduk, Crvena Zvezda.... ukupno 40 ekipa

FK „Igman 2003“ zabilježili su niz uspjeha u 2014. godini. Šampion Junior Kup (Sarajevo) osvojeno prvo mjesto, Arilje kup (Srbija) prvo mjesto, Vrčin kup (Srbija) prvo mjesto, zatim Lokom kup (Sarajevo) drugo mjesto, Dubrovnik Kup (Hrvatska) prvo mjesto, te Dubrovnik Kup (Hrvatska) osvojeno prvo mjesto (U12). A ovo su imena dječaka : Faris Kusturica, Leonardo Jurišić, Salih Viteškić, Benjamin Šuntić

Vehbija Nikšić, Amar Musić, Edis Buturović, Boro Erić, Vedad Aljović, Hamza Katana, Mustafa Sefo, Tarik Avdibegović, Eldar Gadžo, Ajdin Hodžić, Elmin Halilčević.

